

越
峽
書

趙
峽
書

越嶠書卷之三

唐虞三代



宣山李文鳳編次

堯命羲和宅南交乃駱越之地舜命禹南撫交趾交趾之名其來最久考諸王制南方曰蠻雕題交趾蓋題額也雕之謂刻其肌洩以丹青也趾又作趾謂南方夷人足大指開廣若並足而立其指相交故曰交趾漢書云其俗男女同川而浴故曰交趾之南有越裳國當周公居攝時以三象重譯而獻白雉周德既衰於是稍絕

春秋戰國

楚子稱霸朝貢百越及悼王任吳起為相撫養戰鬥之士要在強兵於是南平百越

秦

秦始皇三十三年既并天下畧定揚越始開五嶺遣任囂攻取陸梁之地遂平南越置南海桂林象三郡而安

南屬於象是特安南人有阮翁中者身長二丈三尺氣
質端勇異於常人少為縣吏為督郵所笞嘆曰人當如
是邪遂入學究書史始皇使之將兵中臨洮聲振匈奴
秦以為瑞仲死遂鑄銅為其像置咸陽宮司馬門外匈
奴至有見之者猶以為生
一云始皇發諸道逋逋贅婿賈人為兵使尉屠睢將樓
船之士使監祿鑿渠運糧深入越地畧取陸梁以為七
郡之謫徒五十萬人戍之秦末南海尉趙陀擊併之自
立為王

漢

漢高因封陀為南越王時高后禁南越關市鐵器陀乃僭
帝發兵攻長沙邊邑將軍隆盧侯擊之會暑潤士卒大
疫兵不能踰嶺歲餘高后崩即罷兵
漢高后時南越趙陀使其內史潘中尉高御史平輩上
書謝罪不返陀乃僭帝號子孫仍之

陸賈楚人也以客從漢高祖定天下名為辯生常使諸侯時中國初定趙陀據南越高帝使賈賜陀印為南越王賈至陀魋結音耀箕踞見賈賈曰足下中國人昆弟墓墳在真定今足不反天性棄冠帶欲以區區之越與天子抗衡為敵國禍且及身天子聞君王南越不助天子誅暴逆將相欲移兵而誅王天子憐百姓新定勞苦且休之遣臣授王印綬部符通使王宜郊迎北望稱臣迺以新造未集之越岫強於此漢誠聞之掘燒王先人塚夷滅宗族使一偏將將十萬眾臨越則殺王降漢如覆手耳於是尉陀乃蹶然起坐謝曰居蠻夷中久踈禮義乃大悅陸生留與飲數日賜賈橐中裝直千金賈卒拜陀為南越王令稱臣奉漢約歸報高祖大悅拜賈太中大夫高后特禁南越關市鐵器陀乃稽顙文帝復遣賈徃使讓之陀恐稱臣奉貢職皆如意旨

莊助孝武時人建元四年閩越擊南越邊邑南越王胡

上言曰臣不敢興兵唯天子詔之於是帝命王恢等率
師討閩越師還帝進莊助諭南越王胡感德遣子嬰齊
入質

終軍字子雲年十八為博士孝武異其文拜為謁者給
事中終軍擢諫議大夫南越與和親帝遣使說南越王
入朝王稱疾不朝軍士請願受長纓必羈南越王致之
闕下帝乃遣軍說南越王請許內屬其相呂嘉發兵攻
殺王及終軍等時年二拾故安國少季灞陵人初南越
世謂之終童太子嬰齊入質在長安娶耶鄴嫪氏女生與嬰齊立薨
興嗣立母為太后未為嬰齊姬嘗與少季通元鼎三年
帝遣少季與終軍往諭王王太后入朝少季至越復與
王太后私焉國人不附王太后太后恐亂起謀誅其相
呂嘉乃反攻殺王太后少季等

韓千秋孝武特人越相呂嘉反帝遣莊參以二千人往
使參白以好徃數人足矣以武徃二千無足為也辭不

可千秋謂帝曰以區區之越又有王太后獨應呂嘉為害願得勇士二百人必斬嘉以報於是遣千秋等將二十人入越境時千秋兵入破數小邑將至番禺越兵擊千秋等滅之帝曰千秋雖無功亦軍鋒之冠封其子延年為成安侯

繆樂南越太后弟也帝命副韓千秋將兵臨越呂嘉攻殺之帝封其子廣德亢龍侯

呂嘉越人也為趙陀相輔政三世嘉年已老男尚王女嫁王子兄弟居中國甚重越人言之得衆心愈於王王上書求內屬比內諸侯三歲一朝除邊關天子許之賜嘉銀印及內史中尉太傅印餘得自置除其黥劓刑用漢法使者皆留鎮撫之王太后欲入朝嘉諫止王弗聽遂有叛心逐稱疾不見漢使者皆注意嘉勢未能誅王王太后亦恐嘉先事發置酒介漢使者權也謀誅嘉乃會宴宮中坐問酒行太后謂嘉曰南越內屬是國

之利而相君若不使者何也以激怒使者嘉覺而起太
后怒欲銚嘉以矛王止太后嘉遂出分其弟兵就舍稱
疾陰與大臣作亂王素無意殺嘉以是數月不發太后
獨欲誅嘉力又不能天子聞嘉不聽王王太后孤弱不
能制使者怯無決又以王已附漢獨嘉為亂不足以舉
兵故遣終軍安南少季往使諭旨嘉遂反下令曰王年
少太后中國人也又與使亂專欲內屬盡持先王寶器
入獻天子以自媚取悅一時之利無顧趙氏社稷乃與
其弟特卒攻殺王太后及漢使者而立越妃之子建德
是時韓千秋兵未至番禺四十里嘉及千秋遂滅之使
人亟封漢使節置塞上

大瘠發兵守要害處帝聞之怒

銳欲討之

元鼎五年以路博德為伏波將軍出桂陽下湟水主爵
都尉陽僕為樓船將軍出豫章下橫浦越入歸義侯為
戈船下潁將軍出零陵下灘水抵蒼梧越人義因巴蜀

罪人發夜郎兵下將柯江十萬師分道而進六年樓船
將軍精兵先至石門得越船粟輿博得悞進至番禺嘉
等城守漢兵攻敗縱火燒城日暮伏波乃為營令相使
招降者黎旦城中皆降嘉等已夜亡入海復遣其故校
尉司馬蘇弘追獲建德封為海常侯越郎都督得嘉封
為二品蔡侯越郎也南伏波戈船下瀨夜郎兵未下南越
已平遂以其地為九郡交州記日是特越自全三侯章
郡戶籍迎降蕃博德因拜三侯
為三郡守雖王維將治民如故
置交趾九真日南等九郡兼置交趾刺史治羸樓以領
之凡交趾所統雖置郡縣而言語各異重譯乃通人如
禽獸長幼無別項髻徒跣以布貫其頭而著之後頗徒
中國罪人使雜居其間乃稍知言語漸見禮化
胡剛漢太傅廣四世祖清富有節王莽居攝解衣冠掛
府門而去亡命交趾隱於屠肆莽敗乃歸鄉里

東漢

光武皇帝建武五年交趾太守錫光遣使奉貢初王莽之亂交趾諸郡皆閉境自守征南將軍岑彭與交趾牧鄧讓厚善因遺讓書陳國家威德又遣偏將軍屈充移檄江南班行詔命於是讓率錫光等七郡守入貢悉封列侯錫光漢中人在交趾教民夷以禮義帝復以宛人任延為九真太守延教民耕種嫁娶故嶺南華風始於二守焉

十三年南越徼外蠻夷獻白雉白兔任延字長孫年十二明詩易春秋顯名大學中號曰任聖童建武初守九真俗以漁獵為業不事耕種乃教懇闢歲租開廣百姓充給貧民無禮聘者延令長史以下省俸祿以賑助之同時聘者二十人是歲風雨順調禾稼豐衍其產子者名為任視事四年召還九真人為之立生祠十六年交趾女子徵側及其妹徵貳反攻郡徵側者麓令縣雒將之女也嫁為朱為人詩索妻甚雄勇

交阯太守蘇定貪暴以法繩之側怒與妹徽貳反於是
九真曰南合浦蠻里皆應之凡畧六十五城自立為王
交阯刺史及諸太守僅得自守光武乃詔長沙合浦交
阯具車船脩道橋通障谿儲糧穀以俟討伐焉

十八年遣伏波將軍馬援以扶樂侯劉隆為副反樓船
將軍段志發長沙桂陽零陵蒼梧兵萬餘人討之明年
夏四月援被交阯斬側貳等餘皆降散進擊九真賊都
陽等破降之徙其渠帥三百餘口於零陵於是嶺表悉
平援乃立銅柱為漢界始於交郡立城郭置井邑援又
與越人申明舊章俾之遵守自是駱越奉行焉將軍故
事二十年振旅還京後交阯七郡貢獻皆泛海從東治

上供

治福州候官縣也

章帝元和元年日南徼外蠻夷究不事人邑豪獻生犀
白雉

李善字次孫南陽人漢太子舍人顯宗時守日南以惠

愛為政懷來異俗遷九真太守

張恢顯宗時守交趾賊敗伏法以資物簿入司農詔頒群臣

胡貢廣父也為交趾都尉

梁竦字敬叔坐兄松事遷徙先是松以怨望作書誹謗竦與弟恭及松家屬俱徙九真歷江湖沅湘子胥屈原以辜沉身作悼騷賦後詔還本郡常登高遠望嘆息言曰丈夫居世生當封侯死當廟食如其不然閑居可以養志詩酒足自娛外郡之彼徒勞人耳後授命守交趾並無所愛

和帝永元十二年夏四月日南象林蠻夷二千餘人寇掠百姓燔燒官寺郡縣發兵討擊斬其渠帥餘衆乃降於是置象林將兵長史以防其患安帝永初元年九真徼外夜郎舉土內屬開境千八百四十里

延光元年九真徼外蠻貢獻內屬三年日南徼外蠻復
來自屬

順帝永建六年日南徼外葉調王使遣使貢獻帝賜金
印紫綬

永和二年日南象林徼外蠻夷區憐叛聚數千人攻象
林縣燒城寺殺長史交趾刺史樊演發交趾九真二郡
兵萬餘人救之兵士憚遠役遂反攻其府二郡雖擊波
交者而賊勢轉盛會侍御史賈昌使在日南即與州郡
并力討之不剋遂為所攻圍歲餘而兵穀不繼帝以為
憂明年詔公卿百官及四府掾屬問其方畧皆議遣大
將發荆楊兗豫四萬人赴之大將軍從事中郎李固駁
曰若荆楊無事發之可也今二州盜賊盤結不散武陵
南郡蠻夷未輯長沙桂陽數被徵發如復擾動必更生
患其不可一也又兗豫之人卒被徵發遠赴萬里無有
還期詔書迫足必致叛亡其不可二也南州水土濕暑

加有瘴氣致死亡者十必四五其不可三也遠涉萬里士卒疲勞以至嶺南不復堪闢其不可四也軍行三十里為程而去曰南九千餘里三百日乃到計人稟五升古升小故用米六十萬斛不計將吏驢馬之食但負甲曰五升也自致費便若此其不可五也設軍到所在死亡必眾既不足禦敵當復更發此為刻割心腹以補四支其不可六也九真曰南相去千里發其吏民猶尚不堪何況乃苦四州之卒以赴萬里之艱哉其不可七也前中郎將尹就討益州叛羗益州諺曰虜來尚可尹來殺我後徵還以兵付刺史張喬喬因其將吏旬月之間破殄寇虜此發將無益之効州郡可任之驗也宜更選有勇略仁惠任將帥者以為刺史太守悉使共任交趾今日南兵單無穀守既不足戰又不能可一切從其吏民比依交趾事靜之後乃命歸本土還募蠻夷使自相攻轉輸金帛以為其資有能反間致頭首者許以封侯列土之賞

故并州刺史長沙祝良性多勇決又南陽張喬前在益
州有破虜之功皆可任用昔太宗就加魏尚為雲中守
哀帝即拜龔舍為泰山太守宜即拜良等便道之官四
府悉從固議即拜祝良為九真太守張喬為交州刺史
喬至開示慰誘並皆降散良到九真單車入賊中設方
畧招以威信降者數萬人皆為良築起府等由是嶺外
復平良字群卿臨湘人

永和六年守交趾周敞上書云交土既遠處九國之外
北望京師若瞻雲漢宜有方伯為國南藩遂拜敞交州
刺史敞字子敬吳人

建康元年日南蠻夷千餘人復攻燒縣邑遂扇動九真
與相連結交趾刺史九江夏方開恩招誘賊皆降服時
梁太后臨朝美方之功遷為桂陽太守

桓帝永壽三年居風令貪暴無度縣人朱達等及蠻夷
相聚攻殺縣令眾至四五百人進攻九真九真太守倪

式戰死詔賜錢六十萬拜子二人為郎遣九真都尉魏朗討破之斬首二千級渠帥猶屯據日南眾轉強盛郎字少英會稽人以彭城令為九真都尉

祝恬字伯休中山人南越志云恬為司徒以直言犯上斥為交州刺史政清恩溥甚得民心延熹二年以光祿大夫祝恬為司徒三年恬薨

延熹三年詔復拜夏方為交趾刺史方威惠素著日南宿賊聞之二萬餘人相率詣方降

延熹六年賊執交州刺史葛祗

丁宮自桓帝時為交州刺史召為司徒

張磐字子石丹陽人延熹中為交州刺史

虞韶翻父也後漢日南太守惠澤及民自死歸鄉有鴈隨棺會稽棲塚而去

靈帝熹平二年冬十二月南徼外國重譯貢獻方物李琴交州人初平中宿衛在臺遂鄉人卜龍等以本郡

所舉孝廉數寡正旦詣殿下稱曰黃恩不平上問狀琴
曰南越偏不為皇天所覆厚地所載止舉茂材一人琴
後為瀘江六合令終司隸校尉

光初元年交趾烏澹蠻反叛招誘九真曰南合數萬人
攻沒郡縣四年刺史朱雋擊破之六年日南徼外國復
來貢獻雋字公偉會稽人靈帝光和四年交州梁龍與
南海太守孔芝叛拜雋交州刺史道過本鄉募家兵及
所調五十人家兵家童從兩道入先使詣觀實虐宣威
揚德以震動其心既而七郡兵進副之斬梁龍降數萬
人以功封都廷候

李進字登高靈帝時為交州刺史
中平元年交趾吏民作亂以賈琮為刺史平之交趾多
珍貨前後刺史多無清行故吏民怨叛執刺史及合浦
太守三府選賈琮為刺史琮到部遺書告示各使安其
資業招撫荒散蠲復徭役誅所渠帥簡選良吏歲間蕩